

profit, de faire germer à bon grain dans noz ames pour en produire le fruit salutaire à ceulx qui nous sont soumis.

« Monsieur, sy nous avons été remplis d'allégresse à la venue de la Court, à la venue de ceste grande lumière de ce second soleil nous avons maintenant aultant de regrets, nous pourtons aultant de dueil de nous en veoir privez, de nous reveoir aux premières tenebres (mais le regret) ceste douleur est d'aultant plus grande et laquelle nous sentons au plus profond de noz ames, que nous avons recogneu que vous Monsieur et Messieurs de la Court emportez une impression de nous prejudiciable à nostre réputation ; sy cela est et sy nous avons donné quelque occasion au bruit et aux rapports nous vous supplions très humblement l'esfacer de vostre mémoire et considérer qu'il est bien difficile aux hommes de tenir le pied ferme sur le penchant glacé de la coulante habitude à laquelle la corruption de la nature et du siècle nous tient obligés, qu'il est impossible aux juges de plaire à tous, estant leurs actions en butte et en visé à un chascun qui les interprète selon son sens.

« Pour le moins, nous vous supplions prendre ceste créance de nous que si en quelque partie de nostre corps il y a quelque ulcère, que l'âme qui l'anime, que l'esprit qui le vivifie est fort sain, que nous avons tous en général une constante et perpetuelle volonté de rendre la justice à ceux à qui nous la debvons, que noz deportementz à l'advenir rendront preuve certaine de nos intentions. Nous vous offrons doncques, Monsieur, toutes noz volontés, tous noz desirs, tous noz vœux comme un marbre poly prest à recepvoir la marque des commandementz du Roy, des arretz de la Court, et ce qu'il vous plaira nous ordonner pour vostre service particullier auquel nous nous employrons avec le zèle, l'ardeur, l'honneur et le respect que nous vous debvons ».



Les documents relatifs à la session des Grands jours de Lyon qui viennent d'être publiés permettent de se rendre compte de l'importance de cet événement judiciaire. Supérieure en effet à toutes les autres commis-